

皇帝聖旨中書省御史臺

監察御史

史

忠

蘓寧等呈嘗謂文章天下之公器不可無傳薦敷言

國史

詎容緘隱竊見故翰林直學士亞中大夫知制誥同修國史兼

經筵宋聚行脩而潔學

以醇識量宏遠而能守乎堅貞文章

清麗而不越乎軌範與兄本俱由進士並擢巍科旋歷清顯一

時聲華縉紳奕擘觀其翰林供奉史館著述之暇作為詩文記

序碑誌雜文一十五卷或嚴謹純正既瑰璋雄瞻或清婉富麗

出入乎班馬之場遊騁乎嚴徐之行頡頏乎沈謝之間是皆無

忝誠可表儀後進宜泛憲臺具呈中書省於行省有錢糧學校

官為刊行不惟斯人有光亦可以彰我朝文治之盛具呈照詳

得此送據禮部呈議得上項事理合准監察御史所言依已擬
刊行相應如蒙准呈照宜從都省移咨江浙省於各路有錢糧
學校內刊印行呈詳得此都省合行移咨請照驗依上施行須
至咨者

右

咨

江浙等處行中書省

至正八年八月

日

押

押

省掾郭泰亨

宋翰林燕石集序

漢初詩學方興燕人韓嬰作外傳數萬言史稱其言與齊魯殊
又言嬰嘗傳易燕趙間人喜詩故詩傳而易微余讀是有以知
燕之為詩蓋千有餘年於此外傳言奇詭卓犖而詩之為教本
乎山川之風氣人物之性情者也燕東並遼海通蓬萊西北控
并塞自昭王好神仙往々招致畸人方士於其國至若豪傑則
易水之歌漸離之氣楚漢問安期生荆通兩人者則又嘗合二
者之奇為一矣其風聲氣習歲月之鬱湮世故之感發不激為
變宮變徵之流則溢出為騷雅歌行之盛一氣機之宣流耳翰
林薊門宋君顯大珉予詩若干者余讀盡卷求一言之陳無有

也雖大堤之謠出塞之曲時或馳騁乎江文通劉越石諸賢之間而燕人凌雲不羈之氣慷慨赴節之音一轉而為清新秀偉之作吾知齊魯老生之不能及是也奈何猶以燕石自名其集邪顯夫年強仕所作當日富所造詣未易窺姑序余所睹記如是云至順元年三月丙子奉政大夫藝文少監長沙歐陽玄序
延祐中朝廷大興文治予友宋顯夫從其兄誠夫自江南

其白而大 宋之名隱然傳播於京都 幾誠夫果魁多士久之顯夫亦賜同進士出身初顯夫兄弟從親宦遊於江漢之間日益貧窶衣食時或不充故其為學精深堅苦下至裨官傳說亦無不覽詩尤清新飄逸間出奇古若盧仝李賀之流益

喜其詞以模擬之及聞貢舉詔下始習經義策問既擢第遂入館閣為校書編脩脩撰待制又嘗為大禧掌故中臺御史山南僉憲最後由國子司業入翰林為直學士至正丙戌之春年五十三以卒謚曰文清誠夫累官至禮部尚書國子祭酒謚曰正獻始者誠夫之卒顯夫屬予序其文後今顯夫之亡其子國子生顓 彙其稿微序于予夫宋氏文學之偉固不待余言而傳也第念伯方方以才能進用不極其至相繼淪逝其中外有識之士重悼惜也昔者仁皇開設貢舉本以敷求賢才作興治化今觀累舉得人之盛或才識所長裨益國政或文章之工黼黻皇猷議者不得盡以迂踈異懦詆訾之也嗚呼去古雖遠士之

卓然能有所見毅然能有所守又豈無其人哉彼或誅之以利害視之禍福事弗合義言不中度詭隨而或不能盡識也予以交遊之久故深知之知之深則哀之也切是則國家承平百年德澤涵濡而庠序樂育多士之功豈第求其文章言語之工而已顯夫家本京師故題其集曰燕石云至正六年冬十月朔集賢侍講學士通大夫燕國子祭酒趙郡蘓天爵序

予卧病田廬有禁近之擢迫命就道惶汗無措而漫竊自喜幸故人宋君顯夫寔直學士協恭侍送有公論文亦一樂也比予入京前十五日而顯夫卒矣予病亟歸不得省其孤承詔復來顯夫已贈國子祭酒謚文清思而不可見惜哉孤籲奉燕石集

拜泣且曰此先子所遺兄曠編次者也世父至治集公寔序之敢援例以請予序誠夫文不一紀又 弟人之生世其可悲

也夫昔顯夫兄弟入京首與予遊盡暇予所著睽離有作必寄故知其長蚤且悉也及閱顯夫稿則未相識時歌詩已嘗及予重以三十年分誼之篤可辭無國家設貢舉陶天下以經術餘三十年矣文當日昌而名能著見者何其措之不多屈也積儲之不厚也造詣之不遠也取向隨竭發而自托拘拘規倣而張張乎所適者卻昌得乎惟其有所本也有所參也該洽沈潛心有所得濟以定力而熟之則於 也決淵渟而灌溝澮策堅良而走康莊庶乎其達矣顯夫登甲子科考其作未有貢舉前已

汨、矣。賤誘利祿而重矣。得忽于播而急於獲者，不有聞乎人知其才而不究其積儲造詣之有素也。故予序其集而原其得俾後之觀者有激焉。集凡若干卷，文若詩樂府若干首，自名燕石然世皆信其為玉也。曠由奉禮郎為丞相東曹掾，彙從父之文不使遺逸，不媿顯夫之

矣。顯甫襄事即謀刻以文宋之後，其益昌矣哉。至正六年歲在丙戌冬十二月，既望翰林學士承旨榮祿大夫知制誥兼脩國史知經筵事安陽許有壬序。

宋君顯夫諱聚，大都人。由進士累官主翰林直學士知制誥，同循國史贈中大夫國子祭酒，勳輕車都尉爵范陽郡侯。謚文清。其先君前至元初宦遊江左，時君猶未生。諸兄隨侍去，延祐間

偕次兄國子祭酒諱本始還京師，都人莫能識朝士大夫，亦莫知之也。宋族中一二長老，絕能記憶祭酒以古文著稱，亦精于禪子書。顯夫獨以詩行，不半歲交上下，聲名藉甚。號曰大宋小宋。祭酒公至治辛酉進士及第，顯夫奉定甲子始登科實與子同年。元統二年祭酒公長成均，予以司業貳。顯夫嘗俱考文出宋相知益深，既而祭酒薨，又十三年顯夫亦去世。嗚呼痛哉！祭酒有至治集，而顯夫之子顯持君平日所作求序曰：此先人手澤也。自名其編曰燕石。又曰苦心苟子曰：藝至無兩能祭酒既能文而善於詩，顯夫既能于詩而善於文，體制足尚，可謂能矣。歐陽子曰：窮而後二詩，兩公揚歷臺省，俱為祭酒，可謂達矣。雖

然詩之列于經非藝也風形邦國雅建朝廷頌告神明于以觀
夫得而識治亂蓋聲音之譜性情之典也詩變為騷變為賦
漢魏而下盛于唐人苦心鏤刻極於思致視屈宋猶霄壤而况
于風雅乎宋金以來唐人又遠矣清公兄弟學詩者方脫畧
宋金之習可謂有功于詩學矣自兩公之歿想其流風餘韻而
未及方悲悼之無已籲又拜懇甚至於是乎序資善大夫中書
左丞知經筵事太原呂思誠謹書

燕石集後序

翰林直學士廣陽宋公既卒且塋具猶子奉禮郎彊狀公之行
又與公子籲編次遺文十有五屬素校其脫誤而并序其後比

公以國子司業

史官素實同脩宋史及在經筵為公屬吏其

何敢辭素方弱冠在江南山中聞公與伯氏正獻公自江湖北

歸名聲籍甚若晉二陸之入洛也未幾正獻公對策大廷遂魁

多士又四十年公亦舉進士天下方期公兄弟至於大用然皆

官三品壽不及六十而止論人才者不能不為之慨嘆焉然其

志之所存者徒託諸策而已公之於詩精深幽麗而長于諷諭

其文溫潤而完潔固足以成一家之言况隆于孝友而稱其情

文者也嘗稽諸史燕之地昔者固多賢雋之士及唐室藩鎮強

大石敬瑭割其土賂契丹更宋與金兵戈相尋民無復休養

生之樂至于詩書禮樂有弗遑及歷數百年而神元定都于

此投戈息馬風俗丕變公之昆弟皆能奮自孤苦有所樹立豈其適當休明之運以至然歟然則雖用之不竟其才而其所傳者則固在此不在彼公之昆弟亦可以無憾矣正獻公歿公狀其行輯錄其文今擴之事公者又如此則宋氏之家法尤可稱也公諱瑩字顯夫歷官行事當勒之墓碑書之國史此不著至正七年七月甲辰應奉翰林文字文林郎危素序

宋翰林燕石集目錄

第一卷

古賦 三首

古詩 四言 一首

第二卷

古詩 五言 二十八首

第三卷

古詩 七言 二十二首

第四卷

姪太常奉禮郎 擴 編次
應奉翰林文字危素 校正

雜詩 五首

古樂府 五十首

第五卷

律詩 五言 六十八首

絕句 五言 十五首

第六卷

律詩 七言 六十五首

第七卷

律詩 七言 八十九首

第八卷

絕句 七言 一百六十二首

第九卷

絕句 七言 一百七十二首

第十卷

絕句 六言 十首

近體樂府 四十首

第十一卷

表 七首

上梁文 一首

祝文 三十三首

第十二卷

記 十首

序 九首

第十三卷

雜著 十二首

祭文 六首

第十四卷

碑誌 十二首

第十五卷

行狀 一首

跋 十首

傳 三首

附錄

謚議

墓誌

祭文

挽詩

燕石集卷第一

任太常奉禮郎 曠 編次

應奉翰林文字危素 校正

古賦

勗志賦 延祐己未



伊我生之肇始兮荷陶植於玄鈞稟粹質為乾道兮值中夏之
昌辰靈賦余以淑德兮烏敢昧於持循承啓迪於兄考兮懼速
戾而恒履矧干戈耒邦之勞兮曾少逮於吾身苟怠棄於服行
兮奚古訓之可親悵中經於 窶兮胡筆舌之能矢粵吾降於
靈均之故家兮氓秦擴而俗鄙逮巡波而東逝兮屢弭節乎南

紀何通都大邦之不能一窺兮獲請業於鉅夫與夫名士守窮
廬而屹兮財其盡之可齒戀嫪菲枕乎經史兮邈疇探其源
委慨歲年之不吾予兮頌總角其深悔力不已於大猷兮庶免
夫自畫之耻荅不察夫余衷兮謂盛時之可仕仰學優之明訓
兮患何能而立位抑巖廊之名器兮詎偏燭之敢覬忽次且而
求人兮畏干祿之譏嘗將貞素以全天兮保父書而卒歲委流
行於坎止兮順大命之所俾及神聖之當宁兮闡斯文乎明昌
軼前王之太比兮攷德藝而登揚蕭艾推殄兮蕙蓀菊芳鸞鳳
騫翥兮鷓鴣不翔群龍滿朝兮爵羅畢張余惟幸際此休期兮
願踵武於髦英雖青雲之不可以力致兮我父命之疾徐然遂
禽而克庖兮審徒搏之烏如南困積年丘山兮亦壑菑之力也
騁羈鞞于天衢兮在駕駘之習也其賤貧于有道之世兮匪君
子之德也豈進脩之不釋兮人爵之得也豈上求之不篤兮
內省以何而應旃絲緘眉之競進兮妾獨浚夫婣媛或謂予之
術技求售兮惜余致身之頗偏曰慎言行俟夫旌幣兮在仰希
乎聖賢遂敷詞以復之兮若獨未微夫往古途雖殊而歸則同
兮均貴乎濟時而匡主余忱不足以為則兮豈前脩由之而亦
悞彼歧蹊捷徑固可醜兮胡不遵此先路縱得喪之少拂兮敢
他人之是怒惟敬書而究道兮誠矢死而弗錯亂曰貴與富兮
漠浮雲兮上窺陶虞致吾君兮年與時馳惜寸分兮彼蒼孔昭

斯志信兮

溜翠石賦 有序

濟南張公子惟健得靈壁石方而厚兩峯相連右高而左不及中微斷不絕腹背有凹痕脩以直若泉溜致然者云類其鄉鵲山製名溜翠石日示余且徵賦賦曰

圓穿孕靈品彙賦形有萬不同恠狀異名寓至道于隱願供撫
玩於高明爰即物而究理詎役志而娛情繫琬禽與瑰葩恒被
寵而叨榮矧茲石之有取宜公子之見稱其始也山英會神元
氣聚精澗谷獻瑞岩穴奏禎挺一拳之瑰特結千歲之堅貞潤
涵兩雲幽入杳冥黝暈蒼容鐵質金聲澹烟霏之紆拂絕文蘇
之滋生細迳直痕嵌翠四青殆寒泉之引脉積歲月而滌成恍

頽墻之屹立溜銀竹之勺傾右聳左墮面古背平擬蓮 底柱

之危鄙蔓壑枝峯之縈竦然若鉅人元夫之襟度凜然若直臣

烈士之儀刑方鵲山而具體於凝雲而友朋 先畜一石宜其冰

以文木而參諸筆硯之盟彼平泉誓子米狂呼兄為充物之所

又何免夫君子之譏評也邪乃有塵表逸人守素養和即絃

誦之宴閑撫玉立之嵯峨挹松風於清晝援綠綺於庭阿攄情

繹思而為溜翠之歌 白嶽峯峭拔石之質兮凝神正體石之

德兮伊人剛方與石匹兮敬壽公子服之無斁兮 錫以華號在

承以文木句下

陽燧賦 會試

周禮司烜氏掌以夫燧取明火于日注云夫遂陽燧也
取日之火欲得潔氣明燭以照陳饌

神聖制禮厥氣具張爰備典秩爰著彝章品類宣繁有遂曰陽
載鎔載範孔瑩且彰至明比德於水鑒至圓儼則于穹蒼湛兮
若清冰之凝於玄冥皎兮若太陰之臨於素商靡氛垢之污染
之塵翳之蔽障慨流傳之有自豈鼓鑄之無方匪稽古之髦士
奚制度之能詳及乎燔柴於圓丘薦裸於明堂大禮將藏明禮
是享天高日晶霧闢雲藏烜氏敬蒞其職業秋卿祇奉其故常
持時質以承潔氣對景曜以受烈光以明照 感天象於高遠
以賜求陽索火德於渺茫倏始然而耿々遽愈熾而煌々所以
灼庭燎於瑋陛所以藝煢燭於壇場交輝於簠簋豆 之位布

燭于牲酒珪幣之行由禮器之妙用昭祀典之齋莊抑嘗謂火
之為象近著于世擊石匪妄鑽木甚易叩門而無弗與束蘊可
以立致燧之為物人所裁製以金之材受火之制仰列陰體俯
翕陽氣然而聖人必遠求于天而近捨諸地于以見致潔清而
敬明神又以見五行之奧理及神聖創物之上智至若燧人之
鑽童子之佩其義雖同而其形又異也烏喙觀物可以省身窮
理而後知至炯然方才虛靈不昧推善端而擴克自微燭而昭
晰是則明々之靈臺又乃吾身之陽燧

古詩四言

座主學士虞先生肩菴詩

厥初生人感善孕靈竅骸膚髮各踐乃形曰睹曰聞克持克履
効職爾勞不具爾耻唯眉于面既崇且優明、容觀䟽爽潔脩
頤瞰群役靡愆靡 矧不羸于壯耄亦靡 捐舒泰者喜
憂形則 曠無矯無俞表裡天君 世貴適用我罔或選
之有忽于茲我莫敢與之允矣君子頌謔斯義小子詩之式告
執事

燕石集卷第二

古詩 五言

日出齊化門

都城東出南頭第一門

日出齊化門騰、開九光四向啓金鑰崇扉闢輝煌都城萬井
烟沃盥整衣裳納屣戒車馬出入紛倉皇士者趨名譽魚佩鉞
琳琅鄙夫競錐刀蟣子羅康莊大明忽西頽所遇皆不常 事
頭搶地得志驕昂、擾攘千萬情四序恒茫、 馭天風弭
節白雲鄉左駮碧虹幌右駕紫鳳凰俯視塵土海靈臺悲傷
誓將九 丹投之療膏肓魏、金銀宮境界殊清涼凡骨倘有
緣握手同倘佯

送魏通甫南歸

魏君江海儒，孟浪遊天都。天都產功名，豪俠爭奔趨。子雲老大
玄紫綬，金張紆吾儕。赤手來抱藝，將何如。時無解貂人，太白悲
窮途。晨炊待桂玉，惡况那能祛。涼風西北來，塵埃與之俱。秋清
氣寒瑟，愁悲塞中區。駕言欲南還，感激仍躊躇。豈不願君留，潛
珍俟須臾。江南垂白親，日夕恒倚閭。袖中出毛檄，入室聊歡娛。
斗食勿羞薄，再舉冲天衢。

雪寒書事廿六韻

延祐己未，在樂亭縣作。

幽雲敷魯霄，狂吹趣陰霰。氛霾互黶黶，雨雪事交戰。彌空始糝
屑，降地施削片。斯須萬彙失，頃刻九有遍。霏之集，類堞礪之被。

避旬危峯冒，周圭廣陌曳。齊練崇陵受，委積枯枿容。桂冒况縞
未足多，擬絮差可善。通遠駭連瑤，瑰瓌訝垂填。堦平惡漫沒，谷

欲頌寒箔燭幌，助披卷氣清華，蓋爽光爛銀海眩。

太素靡污垢，至樸謝瑤珠。人蹤絕往反，野色一更變。積陰若膠
轄，初寒病增羨。晨衣龍襲孤，貉夜席益莞。薦衾重初昏，寢薪濕停
午。膳嚴威折，纊帛凍縷裂。盍翫髮森憚，去笠指直愁。結襖凌堅
菜蕪，漸瑩歛溪硯。羈人畜怨憾，待將坐畏悞。虎士跼趾疥，馬
走牙齒顫。罷毗歸禁瘁，陋邑矧饑荐。屋潤僅自侈，室墮疇與喧。
窮荒覲吹律，凝沍需見覘。揮翰書目繁，敢以古雅銜。

送項鍊師還天台

海岸山岩堯飛霞凌紫霄中栖鍊形子綠髮顏不凋漆點双瞳
人神授養生訣暮乘赤城風晨謁玉京闕振迅雀氅淨翱翔竟
鳥輕金丹受惜綠酒陶性情我慚塵土姿解后方外友忘形
時一見談屑紛在口合聞還山惜別令人嗟相思欲相見難
訪碧桃花

松濤齋

華省樹颺繁聲發中宵詎非漆園籟謂是廣陵潮羽葆蕩流
月鳳吹激高颺永言託棲息聽此滌煩囂

中秋陪謝敬德侑撰達蕪善典籤誠夫兄學士會飲周子
嘉如舟亭交命險韻十二依次詩得賞字

秋川澄苻藻涼越墜粟稼雅集融酒尊緩步阮屐緬華構故依
岸危攔欵飄甄夕齋滌煩囂時清侈歡賞寒光揭寶鑑灑氣凝
銅掌翔翺仙蛇骨鼓記釋襠初窺祇開軒久眺還倚杖林鳥
驚倦翼莎菴薦哀響緬谷之盤未卜川若輞典籤雄朔客太
史詫川黨交觥罰如讎探策心遽馳主人盡舫齋坐客龍虎榜
群玉司崔元方琅然亭

幽人虛白室理琴恒自怡聲蕪碧玉調弦是水晶綠涼颺動脩
樾皓月涵清池至音一入耳四座無邪思

送李溉之得請還濟南

髻亂客江漢早聞高士名君居玉沙縣我在渚宮城弱小知慕

君不得覲君面道路播詞章庸俗矜俊彥騏驥厥庭戶鸞皇悲
草萊英標出世表 去黃金臺風塵綺陌深烟霧玉堂 浩歌

香爐峯巢雲寄木杪朝辭九華頂暮宿黃鶴樓綸中紫鳳褶款
去仍或留竭來重翱翔五十霜鬢 瀛洲列群仙蓬山擷蘭芷

一登奎坡峻再陟阿閣崇牙符雜珂佩通籍金閨中謁帝興聖
宮迴卓歷城道矯首凌天風振衣下瑤島東望華不注烟霞齊

魯 言歸理松揪哺傲依 切緬想共君遊不得恒聚首叩首
屢投刺塵鞅阻文酒兩濯野山色晴飛 柳花明發遂長往憐

君離思賒雲漠耀奎文長庚麗其下天書行召還豈是栖者

濟州李氏一門姊姪四人貞節

玉樹摧秋霜總帷悲夜涼松栢爭厲操蘭蕙俱流芳悽楚僅一

子儀形自見 共 怨毒若不知年命長 李氏昆弟五人温良
敬讓皆未及廿歲卒

和玉師魯哭子詩廿七韻

我識王內翰早歲賦美質筮佐困州縣處友固膠漆摘辭若纂

組繫 錦成匹福善宜裕後酬勞當任逸蒼天不可問得子旋
傷失君懷未能慰我恨亦云積益春喪孩女仍唁僕與姪阿申

徑之 併官奴兩兒衆所惜方期及髫鬣入學相誘掖亭之芝芳
妍温之玉纈栗隨行操几杖或可弄文筆一以世科第一以嗣

臧獲云胡俱夭折相去不百日孩女不甚痛長不特其力初疾

忍輒棄命醫恒接迹終焉莫救藥枉負不慈責媿競秀燕眉
目猶在覲傷心擲網祿塵泥污紅碧父哀猶強飯母悼不安席
適值呂太史為我亦傍泣渠子歲三喪鴉鷄勞卵翼尤嘆中殤
女締繡已能刺吾兒幸存二懷抱若可釋疲劣不好學猶令誦
內則君誠曠達士悲泪莫頻滴禱神名山顛都人以歲月祈置
妾居室側佇作湯餅會人醉酒一石

送張孟功揚州覲分題得游絲

東郭暢景韶飛絲蕩晴朝細逐柳綿狂隨薰風颺燕郊索去
策楚岸胃征抗嗟予願不及相送共迢迢

江陽毛定甫天光雲影閣

伊人結小隱鑿沼若一鏡澄波涵至明穹昊入俯暎初綠適幽
情乃謂契善性孝亭或神遊可讓不可競

江東胡士恭嘉樹軒

野人愛嘉樹題作幽軒名願豈樗櫟散願懷松柏貞深沉永夏
景蕭颯繁秋聲紛々事遊冶嘖々爭春榮

王君冕閨中別墅芳潤亭寄題二十韻

雍壤第上々土厚風氣溫水泉引其澤卉木滋以蕃興王作都
會山川鬱屏藩維周秦漢唐陳蹟猶具存一覽以娛目矧此長
子孫勝境遇名士相值復何言王君長安人負郭有田園蓋田
在其左終南高且尊平川豁瞻眺崇岡如吐吞結構事幽隱池

臺閣重垣值木春茂，醜渠夏沍，音晴花炫屋角秋苔黠墻
根嵐翠浥圖籍何葉蔭壺尊觴咏協時序起居適寒暄生產付
子弟供具有鷄豚好客時過從祖吏不叩門談評極宇宙息偃
度朝昏緬懷寤在陰大咲虱處視茫然珪緝愈邈矣車馬喧茲
亭可適意餘事勿復論 君冕為三原縣令嘗被誣未雪

早發安平 錄因襄陽

露華沐修叢涼思浩可掬陽光炫遙川熱念洵相續駕言省民
瘼行涉岩谷詼紛聽訟疊，厓間俗傷哉無知氓誤向憲
網觸伏辜痛呼暑寃者說拳拮于時嗟稍早禾黍未豐絳媿無
雨隨車潤澤溥川陸皇靈赫臨照恒負伐檀忽雖非于公仁敢

效俊臣酷

山北憲食丁文范挽詩 乙卯科哈八石也

使君氣凌雲學劍喜論文生材拔其萃立事張吾軍奕葉擢高
第甘棠蔭孤墳九京不可作頑懦徒紛紜 乃子慕高登及百科文苑
嘗憲浙西遂堇西湖之側

送太原房淳德赴上長蘆校官廿四韻

曩歲在甲子我忝登桂籍君從河東來廟壘肆健筆相識稠人
中神勝鬚髮黑河汾孕靈秀儵然澗松栢文章豈優劣方畧判
得失時運或少乖戰藝不幸北乾龍飛九五湛恩逮點額 職
固匪輕咲捧告身勅音問久寥邈再遇京塵陌或薦諸太嘗借
徑簿領役禮文熟討論固豈刀筆術醜司魏學宮儼在漳水側

橫經屬老成弟子拜講席廣文莫厭冷師道貴名實宦業墮素
餐吾黨有媿色育材登廷珍計功倍千 擘舟載妻子携書去
王國別酒借顏紅春衣照頭白尚憶韓與許當時同少誑士宗
掾栢臺才氣森峯嶽耀卿莎塞下幕府著勞績小大無棄捐朝
家禮羅密賢路闢榛蕪異材應間出文運豈偶然因君重太息
蘓伯脩湖廣行省奉政分題賦詩送行得洞庭波

秋風木葉下送目八千里洶湧趨東陵滴蕩混南紀天垂俱沉
浮霜落迺清泚蛟龍怒未 舟楫漫難 蒼梧雲氣連笙竹磯
石磊所恨礙君山仍嗟愁帝子予懷渺不極客思浩然起願令
沅湘 安流入江水

禮部侍郎秦不華兼善出守會稽分題送行得讀書堆

昔賢居海陬幽潛有遺址簡緬不復存培塿尚堪指三年不窺
園西京稱董子蓬蒿繞宅生仲蔚號高士為學貴處靜業成尚
致理用行舍則藏訓詁殆卑猥黃門仕大同朱墨訂文字雖非
注魚蝦乃爾彙虜豕夫君系貴族綴緝湖江涘弱冠登巍科禁
省以歷履今此乃作守出處將肖彼掉策國東行去志疾若矢
南州款訪古不憚紆道里遙知郡政暇閑閣究經史仕學能兩

優豈直野王止來慕子所 亦復 可起

堆梁黃門侍郎兼太

學博士顧野王讀書
之所嘉興之海鹽即今寶雲寺是也分題得此非兼善所經
由之道殆有所謂邪元約賦五言古詩十韻今多六韻詞不能
已也兼善至治辛酉科狀元幼從天
周本心學野王撰玉篇若干卷

橫經屬老成弟子拜講席廣文莫厭冷師道貴名實宦業墮素
餐吾黨有媿色育材登廷珍計功倍千 擘舟載妻子携書去
王國別酒借顏紅春衣照頭白尚憶韓與許當時同少誑士宗
椽栢臺才氣森峯嶽耀卿莎塞下幕府著勞績小大無棄捐朝
家禮羅密賢路闢榛蕪異材應問出文運豈偶然因君重太息
蘓伯脩湖廣行省奉政分題賦詩送行得洞庭波

秋風木葉下送月八千里洶湧趨東陵滴蕩混南紀天垂俱沉
浮霜落迺清泚蛟龍怒未 舟楫漫難 蒼梧雲氣連笙竹磯

石磊所恨礙君山仍嗟愁帝子予懷渺不極客思浩然起願令
沅湘 安流入江水

禮部侍郎秦不華兼善出守會稽分題送行得讀書堆

昔賢居海陬幽潛有遺址簡緬不復存培塿尚堪指三年不窺
園西京稱董子蓬蒿繞宅生仲蔚號高士為學貴處靜業成尚
致理用行舍則藏訓詁殆卑猥黃門仕大同朱墨訂文字雖非
注魚蝦乃爾彙虜豕夫君系貴族綴緝湖江涘弱冠登巍科禁
省以歷履今此乃作守出處將肖彼掉策國東行去志疾若矢
南州款訪古不憚紆道里遙知郡政暇閑閣究經史仕學能兩

優豈直野王止來慕子所 亦復 可起

堆梁黃門侍郎兼太學博士顧野王讀書

之所嘉興之海鹽即今空雲寺是也分題得此非兼善所經由之通殆有所謂邪元約賦五言古詩十韻今多六韻詞不能已也兼善至治辛酉科狀元幼送天周本心學野王撰玉篇若干卷

草蟲圖 蝗蝻斯螳螂蟋蟀圖國子生求跋

群蟲居草間翾動各有趣或為人所憐或為人所惡憐惡我豈
偏彼乃自致然披圖付一哂不足汨吾天

送高麗進士李仁浚東分題得箕子廟

皇矣錫疇衍已烏鼓琴悲列封出異代主教開東陲道義三仁
稱德澤萬世思遺像儼珪袞魏宮肅邁彞順臨憤溝淜奔走高
句驪宇宙相終窮彤蠻無已時之子誦經籍賓興膺爵縶龍光
粲冠裳鹿鳴奏詩詩暎此 帝恩寔由文化施歸與下車拜報
稱恒念茲

題道者山 系兒只國王

元氣肇融結律兀蟠厚坤蓬瀛詫虛無五岳名號尊茲山介平
營持興太古存碣石拱其側水巖何足論東北醫巫閭羅列為
第昆境迴稱瞻眺多景移晨昏煙霏雜 樹海氣時吐吞幽深
閱靈恠勝鹿難具言謂宜棲隱淪秋鶴仍春後叢桂賦騷雅薜
薜相婵媛頌此緇衣流結構開祇園陳迹紛惚恍紀載深本原
屬聞賢侯王遊觀駐朱軒從 樂觴咏風日搖旌幡我昔延祐
末東邁窺其藩望 不得登子懷未能諉於時秋雨霽仰羨思
攀援誰為持此意漉翰題空門

送系兒只班監憲淮東分題賦詩得豐樂亭

豐山既足玩豐歲仍可喜太守為築亭日 飲滁水幽谷 軒

楹泉石列階祀藹，木稼盛皞，風俗媿政平共觴咏民安事
田里摘辭述佳致行樂遺舊址使君出貴商讀書 治理帝命
祖淮南持節長風紀是州處行部西望才尺咫今茲罹旱暵郡
邑多苦餒衣食并去聲賴賢明庶免溝壑死先去聲憂回天心相業
由此始

送王德常南臺御史分題賦詩得朱雀橋

秣陵古都會秦淮宴壯哉長波護巨鎮危橋橫曲隈華桁何偉
鹿赤闌亦紫迴世稱題柱石人是濟川才泛鷁堪屢往來驄經
幾回當時王謝宅燕子喜重來德常由國子生寄雄之歸信辟
椽南行臺繼為勾管今復拜御
史凡三往焉

滎陽趙孝子 名璧字君璋

孝乃百行本親有罔極恩親恩可 持報百身論事生或能

盡事亡鮮如存趙君性誠篤能窺曾閔藩親瘠拜醫師既葬
廬墓桓身與木石居淚零松柏原動息撫遺體哀傷痛心魂讀
禮已無媿抱恨終弗諼過車式而敬朝命表宅門大哉永錫類
澆風庶能敦

節婦劉氏

劉氏陽曲民家女早嫁西杜王舜卿生子甫一

歲王遠遊越十年不歸劉氏奉舅姑惟謹無怨
言子年十四聞父留滯京往拜焉至則他娶矣劉若不
聞日勉其子以學又十年王始歸浹日而渡去竟死滯
水上劉自奮難厄中以保其家以成其子有
司上其事旌其門子名思義劉年七十餘

生世若不諧愈甚太常屬藁礎任飄蕩寧馨堪撫育生無織

錦詩死有崩城哭愁雲散晉溪華表照陽曲

送汪臣良編脩出知餘姚州題得石鼓

緊昔中聲興王振武岐陽蒐臣工作歌詩紀蹟庸闡幽琢石削
為鼓深刻將垂休渾堅不少磷文字粲以周古拙出史籀蟠錯
紛蛟虬翫駝護轉徙逮閱三千秋天朝尤寶惜移寘宮牆陬棲
息得所託珍祕價莫購使珣璉器出守趨東甌敦樸且貴重
華采殆罕儔旌麾暫補外廊廟行見收亦若此鼓然置之崑崙丘

胡震亨家慶堂

三釜及其慶庭闈有餘歡易貴不家食祿養心始安東隣供滫
髓西人盛盤飧酒旨肴亦嘉素身興永嘆君子奮逢掖牙緋故

王宮作堂娛二親上壽羅芝蘭養志既可尚揚名良獨難錫類
勳里開美譽期不刊

燕石集卷第二終

燕石集卷第三

古詩 七言

涼夜吟 十五歲作

雲頭金瑛秋意生
城南啼鳥三四聲
溽々斜露銅鋪濕
闌下幽花香氣清
倡樓茗咽凝管波
底老龍求子鳴
蕭々竹樹小山雨
驚覺佳人夢中語
濕螢寥落階莎寒
拂拭桃笙掩閨戶

朝元宮白牡丹 延祐丙辰在汴作

瑤圃廓落崑崙高
霓旌豹節凌旋颿
東門偷種來塵囂
開雲鏤月百千瓣
雪痕冰瑩辭鏤琯
重臺複榭玉版白
濕露擁出青霞嬌
瓊娥愛春受春足
香腴酥膩愁風消
人間洛陽紅紫妖
紫霞

灑、吹秦簫青鸞望極何當招

岳陽樓

熱雲滿、東風死東方春來著蘭芷畫闌十二君山青北渚南
汀礙眸子蒼茫香靄一十里鬼誕仙妖似湖水織何浴菟出西
涯飛上南翁棹歌裡

遺芳蔓

武帝思李夫人卧延涼殿夢夫人遺帝薜燕之香
覺而衣枕香三月不歇帝因製曲名遺芳蔓又賦
落葉哀蟬曲

龜屏象簾塵凝輝桂枝落盡秋氣悽瓊瑤臺上魂是非孤鸞照
影心含悲離宮別館春茫茫延涼殿上空情傷却憑鍾火一莖
艸換得薜燕三月香蘭風蕙露怨嬌盡落葉哀蟬 鳴嘶嚶

嚶語誰得知再取玉簪搔素絲

五月寒 延祐丙辰夏江南久雨甚寒

朱明避事秋萬里葛溥羅縠索裘綺赤帝藏龍天漏水白鳥蒼
蠅凍縮甯五月雨聲常在耳有虞皇帝拂瑤徽濕透縠絲彈不
起招搖下望白玉京朝天蒼珮寒無晶馬毛拳蝟坊門閉聞却
金盤不賜冰

洗車雨 每七日有雨俗謂天帝為織女洗車

一從去歲閑油壁塵暗香輶有誰拭瓊娥玉媵莫遲回為我飛
書呼軫畢雄雷雌電傾河來寶輪濯、無纖埃桂香陌上不泥
渾虛無指點迴蓬萊烏橋銀浦沾濡徹鳳靴鸞鞭潔如雪猶恐

黃姑淨病深更擘濕雲填古轍

北中寒

燭龍吹冷玄冥唾鷄子庵芝沙 過羲和呵手馭日車喋瘁陽
烏三足墮驪山溫泉徹底冰白地裂文如早膝窮陰凍合黃鐘
瑄緹室葭灰不得升射麋將軍守羶屋霜結虬鬚懸麗鞞琵琶
弦折酒成澌風刀剗破雙顴肉

榮華樂

大明飛光白玉堂花接網戶騰春香鳴鐘饌玉雲母床堂々夫
婿侍中郎青雲捧車謁漢皇公卿夾轂趨道旁董賢朝々潮眠
未央將軍夜穿躡鞠塲栢梁置酒詩成章黃金駟馬來徜徉起

山引泉大宅張蘭湯洒壁鳴 簧女娥窈窕聲遠梁迴風飛雪
衣飄颻芳年華月溫柔鄉流蘓斗帳垂珠璫紅焚麝枕辟兎殃
紫金釵梁懸鳳凰階前七十二駕鸞綺襜羅列生輝光平頭奴
子跽擊觴々酣調笑邯鄲倡腰橫半解金蛇黃玉池芙蓉簾外
霜 符如火 黃門開將趣召漏長扶來丹地拜天子願沐
鴻休亘終始

同年程時叔內翰還浙東

玉堂松栢高蕭森老子時々莊烏吟久矣京衢壓塵土茲烏海
浦覓園林西清供事有佳興南國獨 無留心著書藏稿名山
遠讀易操著理窟深春流云々敗冰煖晝日曠々高天陰離情

竟作一發箭交道終期百鍊金衆賓懷抱付盃酒二子德色墮
衣襟人生會合有天命

商參

張武定戰死西南夷

邛竹蒟醬塔邊鬣犀甲吳戈成國殤風悲戰鼓慘歆死日噎戰
雲寒不光黷武可憐棄軀命討罪宜用施威強內符近遣滇海
將傳說英聲皆激昂

趙存誠除曲江縣尹將上枉道還長沙為乃父平遠公焚黃
曲江大夫故家子白髮蕭騷辭帝里官居嶺表不即上路指湘
中有餘喜乃翁勲業聞紫庭手捧芝書新易名祥光一夕照宰
木芳銜千古榮佳城推牛上冢歡聲重石獸無情亦飛動莫怨

神道少豐碑聞說新除好祖奉

陳已志墓神道碑未有

九日再會飲如舟亭分韻得異字約賦廿句

周郎家本住武溪入京暫作公府吏閉門哦詩常撫卷倒履迎
賓能好事今年中秋偶晴明好友持杯恰三四時當九日復讌
集潇洒軒楹臨水次檻華錯槩鄰舍移壺醞氤氳內官賜天高
氣清萸菊節揀袂奮髮湖海士風塵悠々渺芳躅觴咏蘭亭或
堪似人生行樂適意爾局促轅駒老將至酣歌慷慨時自新放
達何須較愚智媿無硬語出磊砢追逐盧仝並馬異

永豐魯明善秀才挽詩

三十未有二十強清門士子堪悲傷讀書兀々窮晝夜弄筆繼

往 篇章世人謾歌高里曲地下應作脩文郎君不見江城南
有客不識字華纓紫綬鬚如霜

宇文子誠出掾河南行者二十韻

至順元年十月初故人舍我將南徙君喜迎親去志速我慘送
君離思起西山雪小陽鳥逝北口風高喬木死吉貝衣消京國
塵木蘭舟沂漳河水夷門舊交兄弟若吳房老父咫尺爾人生
百年貴適意戚促何須羨金紫憶 前年在灤陽千里兵塵四
郊壘妻子哀號不得見乘駝歸來溷悲喜彤庭捧牘負長材烏
府珥筆存舊履磊落不作風塵態宇宙茫茫少知己與君同朝
三四年清苦何嘗設醪醴歲時相見徒勞問我爾俱負情曷已

江陵古城多北客我昔與君共閭里君年三十入公府我髮添
黑政童子通來蹤跡各星散南北東西困泥滓王城會面忽驚
電君踰知命我強仕微軀潦倒屬名韁半世蕭條鮮生理重內
輕外古所云媿我謀身故如此鳩巢未葺政坐拙菟裘將營何
所指因君之行重太息搔首蒼茫對斜晷

送周子嘉由長秋寺令史出為滁之來安簿暫迴武寧觀

省一十五韻

周郎十五二十時皎如玉樹階庭芝出門掉臂不揖客操觚作
賦猶從師龍駒未騰掣電足松羔早挺凌霜姿自憐渠僕似明
鏡目我儂父為鈍椎論文倏經十寒暑聚首遂作雙墳篋君留

我別迹相遠離群索居情不怡流萍適楚復南邁行李趨燕同
北馳桑弧蓬矢負夙志爺孃妻子成遠離黃鶴樓前暑云徂文
明門內秋為期風塵南陌困英銳痴僮羸馬淹孤羈太學諸生
曳青衿長秋小史稱白眉延春閣下晝脩牘崇恩寺中朝待祠
往來灤京庭適堂召集閣 鐵籠礎出租春醉葡桃館勞還秋
宴白蓮池詞林舊交賞清俊公府餘暇陪遨嬉河濱亭子九日酒
座中華筆十韻詩吏役免譴獲書滿選曹擬官惟據資米珠薪
桂脫艱阻青花文笏將設施快如海鵬始奮翼逸如天馬初釋
羈親庭何勞賦陟岵子舍那復詩炭彥祇知定省當汲、奚較
赴上猶遲、華裾綽繚別良友大舩舸載小姬策名仕版副
君願賦詩河梁勞何思長安落葉路不見洞庭寒波風亂吹若
到來安將舉職莫忘武陵初解維

歐陽原功由藝文少監謁告歸瀏陽

七年不見荼蘼花湘南學士思還家賣馬徑出藝文監買舩便
赴潞河沙始隨徵書官壁水北門風月清談爾兵塵荏苒居庸
関襜被蕭條教忠里奎章閣上進成書九重知是尹蕪湖腰帶
黃金珮蒼玉、卮賜酒榻前趨君恩如海誰能報回首鄉関動
懷抱尚平昏嫁幾時畢陶令田園何日到槐舒菟目柳如綿浩
然歸興南風前閨人含啼僕夫喜那願悲歡各異緣西山過兩
離筵曉川遙萬里雲繚繞里閑逢迎樽俎歡都城會合簪纓少

徐延壽母張節孝 時徐將赴順德任縣尹

良人旅視藏故鄉襁中孤兒佩銅章善事尊章不歸寧叶 礎
泉下無遺恨棹楔門前生耿光

廬江縣尹俞罟之妻羅恭人節行 羅漢臣學士之女

廬江生前事箴組廬江身後主門戶疾時和藥死廬墓剖肌斷
髮事可舉廬江無子誰與處鸞誥騰光照鄉土共怜令尹得貞
妻不道翰林生淑女

金陳州同知孫德政妻高氏貞節 一子名潤孫五人高氏卒年八十八

三十良人如冠玉領兵當關游死不沒燕趙年飢盜賊窟携兒
避難聚哀族鏡鸞塵 忘膏沐含飴弄孫倫五福魏、雙桓表

門屋祀妻謾作崩城哭 德政卒于正大年間潤始七歲高氏旌門于延祐年

番陽胡茂卿善餘堂 茂卿嘗作此堂奉其父叔嘉今年七十子五人

老人種善如種田三世力耕無歉年賢為鉉基義為耒芝蘭玉
樹嘉禾然菑畚有術誰能傳沃不以糞激匪泉井底白金五千
兩甕中青錢三百緡 嘗有人避難以白金五十兩寄茂卿後全付之其人分半以謝茂卿不受又成人負他人債負不償徵者甚急將棄其母溺水茂卿見之與俱還出其家甕中贏餘之錢得三百得遂以二百償連一百奉其母其人問姓名茂卿不肯告

慶元葉謙甫挽詩

維南一士美如玉懷才剖行遯空谷子孫說、宜厚福青矜十
年易章服翔鳳原頭可瞑目

蘓伯脩右司滋溪書堂

滋溪之水清如玉堂中藏書高似屋綳縹裝潢芸葉馥遠過李侯三萬軸上世遺安重教督有美令孫克佩服移書度几置書腹用之經濟且裕沃尊經續史雅志篤屈宋衙官騷則僕堂前山水秀且綠堂中之書茲不辱愧我四十鬚欲禿文學事功俱鹿、悲歡枯落悔不足欲登君堂借書讀

行路歎書利陽驛壁

冬雨撲面朝不寒驅馬馳逐荆門山來隴高平稻塍直竹樹鷄豚山西間少年筆硯為耕得虛名絕半紙道逢良田勝境如麪車老我流涎何日止

李時進僉憲持其考君墓表求詩

受封襄垣縣男

襄垣老人志不群教子爰、興高門燕山諫議有陰德陳氏省華多子孫少年孤貧嗟素身策名仕版期後昆報施之道昭而神著布衣象龜為文老人種善如種樹老人視財如視土紫衣絲衣事尊姐恩封鄉縣爵第五七袞告終既壽考叶螭首龜趺責泉戶君不見草間無聞亂冢何足數却是當時守錢虜

趙侯髮白返黑

後衛千戶致仕年八十八吏前衛時王千戶殺西相至今能談其事

日中則必昃百川東之不西流將軍鬚髮白返黑身強能使元氣周禁軍前衛皆送事少壯驅馳老耄貴幕中文字羽檄飛腰間符節龍章佩功名遂樂天年矍鑠何須羨馬援述舊能談

鐵鉞將奕基常對爛柯仙只今行年垂九十鬢變青絲髮點漆
高堂明鏡莫空悲學取將軍養生術

中興萬戶愛假山築亭號粹峯亭

元戎生長太平世兩甲苔鎗日無事築亭排石示燕間北似南
塘更清致煙霏晡霞靄群峯巒莎陰蘇疊相迴環天台廬阜入胸
次華陽良岳非塵寰米狂呼兄名不朽千古高情能尚友我知
主人愛山符節然傳付子孫俱世守

紫舜元玄雲石

重陰蔽天濃似墨疾風碎剪不盈尺纍、靄、亂拋擲肖像凝
神作竒石松窻竹塢玉立之仙霧為幄烟為衣未狂拜羅捉不
住清潤一卷愁欲飛長安才子惜如寶袖中携置夷門道當時
不見萬態峯只今空 三山島

吉安劉楚竒秘書浮雲道院

桑弧蓬矢男子志溟鯤鼓鬣鵬張翅揭天勛業固垂名擇地園
林須適意夫君家住白鷺洲先世田廬不外求宗親同居三百
歲卉木素封千戶侯桃花源裡山川麗輞口莊前亭館遼兒孫
祇解弦誦聲泉石更無塵土氣迺來橋首蓬萊山凌風珂珮聲
珊珊蕭然三徑 自若夢寐衡門時往還賢豪心事人不識進
退卷舒那可必君不見太平宰相三十餘千駟萬鍾成棄擲

燕石集卷第三終

